

## **Nepo ya obamelo ya dipeakanyoleswa tša theko ya phetišo**

**Tshwane, Labohlano 19 Janaware 2024** – Ba Ditirelo tša Motšhelo tša Afrika Borwa (SARS) lehono ba phatlaladitše diphešo tša molaokakanywatlangwa gore setšhaba se dire ditshwayotshwayo ka tebo ya go nolofatša dipeakanyoleswa tša theko ya phetišo.

Diphešo tša molao ka fase ga Molao wa Khasetomo le Motšhelophahlogae, 1964, (Molao wa Nomoro ya 91 wa 1964) o fana ka hlathollo le tlišetšo bakeng sa dikgwebo tša ditšhabatšhaba mabapi le ka fao di ka ikarabelago bakeng sa dipeakanyoleswa tša tšona tša theko ya phetišo go ditaodišo tša pele tša Khasetomo. Se se tla kgonthiša gore di obamela boitlamo bja tšona bja Khasetomo.

Go ya godimo le fase ga theko ya dithoto le ditirelo tšeo di abelwago ke dikgwebo tša ditšhabatšhaba go na le tšhušumetšo gape go ama dipoelo, gomme, ka lebaka la seo, go ama boikarabelo bja dikgwebo tša ditšhabatšhaba bja tefelo ya motšhelo. Ke ka fao e lego maikarabelo a dikgwebo tša ditšhabatšhaba go beakanyaleswa tefelo ya theko ya phetišo ka tebelelo morago go kgonthiša obamelo.

Diphešo tša molaokakanywatlangwa di phatlaladitšwe go wepsaete ya SARS gore setšhaba se dire ditshwayotshwayo le go ya ka fao go begilwego go dikgokaganyo tša leago tša SARS. Setšhaba sa Khasetomo se kgopelwa go kgatha tema tshepetšong.

“Ye ke kgato enngwe ya go nolofaletša le go dira gore go be bonolo go balefela motšhelo le bagwebi go obamela ka boithaopo go boitlamo bja bona,” gwa realo Khomišinare wa SARS Mra. Edward Kieswetter.

“Molao o kgontšha setheo go hlalosa melao le ditshepetšo tšeo di tšweletšago obamelo ka tsela e bonolo le go tlišetša mekgwatšhomo ya motšhelo le Khasetomo yeo e amago baswarakabelo ba rena, mo nageng le ditšhabatšhabeng.”

Go hwetša tshedimošo enngwe, ikgokaganye le [SarsMedia@sars.gov.za](mailto:SarsMedia@sars.gov.za)